



載冰

細漢的時，阮厝咧賣冰，拄開始無買冷凍庫，因為毋知生理做會起來袂？按呢欲按怎保存冰角咧？彼時阮阿母攏用粗糠 soh 冰角，閣用布袋好禮仔埃咧。這粗糠有影好用，保溫的效果足讚。這步阮厝用蓋久，生理做在了後嘛無隨買冷凍設備，落尾袂赴人客用矣才去蓄。

寢頭仔去冰行載冰角攏大人去，無，就阮大姊去。冰行的大塊冰角是兩尺長、一尺闊、半尺厚的長篙條，重 huainnh-huainnh。冰行會淺淺仔先共撩做八手的痕，阮載轉來到厝，家己愛略仔敲一下才會必做八塊。這袂使烏白敲，若無，冰角袂四正，欲礫著愛考功夫囉！

有一改無咬手，阮阿母叫我騎阮兜彼台單管的鐵馬去載冰。彼台武車比我較懸都有，平常時仔我欲騎著騾狗空仔，就是正跤騾過三角車架的中央，身軀敲倒片 huainnh 咧 huainnh 咧，按呢才踏會著，這種姿勢根本無可能共遐大塊的冰角載轉來。

阮彼个心臟較大牛的阿母，竟然共我抱跑去鐵馬頂坐咧，講：「去到冰行叫個共你扞咧，才予你落來。冰角縛予好，閣像按呢予你騎倒轉來。會曉講袂？」

啊！連予我想的時間都無，鐵馬掛我已經予阮阿母揀上路矣。

我毋知按怎到位的，彼車路雖罔闊闊，毋過車也袂少。干焦會記得我正跤大仔大力踏一下，等倒片的跤踏仔起來到我塌會著的懸度，緊換倒跤大下共踏落去。就按呢下性命直直踏，踏甲怦怦喘、心肝必嘆惱，到甲遠遠看著冰行的 khǎng-páng 才略仔較放心。

猶未到位我就開始大聲喝：「頭家啊！緊出來喔！緊來共我扞咧啦！」人伊真正有注心，我拄幹入去到冰行，隨共我的手扞仔恰椅坐仔掠牢咧，才抱我落來。等個冰角縛好勢，鐵馬牽出來車路先拄咧，閣共我抱跑去車頂。全款，我嘛毋知是按怎騎轉來的。

欲到阮店口進前我就閣咻：「緊出來！緊出來啦！我袂曉擋啦！」阮厝的人佇遐無閒，無先張持根本袂赴，到甲我衝過兩三坎店個才摸著鐵馬的尾溜。諄！我總算平平安安將冰角規塊好好載轉來囉。

作者：張淑貞

☆詞彙學習☆

【蓄】hak：購置較大、金額較高的財產。

【撩】liáu：裁開、割開。通常指用刀尖切割的動作。

【手】tshiú：指事物的一部分。

【必】pit：東西產生裂痕。

【礫】tshuah：將食物刨成細籤或絲狀。

【武車】bú-tshia：指早期以載貨功能為主，車身較大、較重，貨架也較大，騎乘時較為穩定的腳踏車或機車。

【扞】huānn：用手扶著。

【掛】kuà：連帶、附加。

【注心】tsù-sim：留心、留意。

【車路】tshia-lōo：馬路。車的通道。

【坎店】khám：計算建築物及階梯的單位。